

tatur Hesychius, et ἐπισπέρχουσαι per ἐπισπεύδουσαι, ἐπειγόμεναι. Idem aoristum ἐπέσπερξα, cuius exemplum nullum superest, per ἐφώρμησα explicuit. Aeschylus hoc verbo usus est Sept. 689. ἐπεὶ τὸ πρᾶγμα κάρτ' ἐπισπέρχει θεός, ubi Thomas Magister pariter per ἐπισπεύδει explicuit.

496. μήποθ' ἡμῖν] Tres quae in initio huius versus exciderunt syllabas recte supplevisse videtur grammaticus cuius ex coniectura in apographis pluribus legitur μήποτε μήποθ' ἡμῖν. Duplicato μήποτε usus est Aeschylus Prom. 894. μήποτε μήποτέ μ', ω̄ | πότνιαι Μοῖραι —. et Euripides Phoen. 190. μήποτε μήποτε τάνδ', ω̄ πότνια —. In versu proximo ἀψεγέσ ex ἀψεφέσ corruptum videri dixi in annotatione.

514. ἔλιπεν ἐκ τοῦδ' οἴκου | πολύπονος αἰκία] Quod librarius in L. primo scripserat οἴκους recte ipse correxit deleto σ, etsi οἴκους legit scholiasta, ἀφ' οὐ διέλιπεν αἰκία τοὺς πολυκτήμονας δόμους. ὁ γὰρ Ἐρμῆς πατὴρ Μυρτίλου ἐμήνισε τοῖς Πελοπίδαις. qui pro πολύπονος aliud quod per πολυκτήμονας explicuit legisse videtur adiectivum, sive id πολυπόρους fuit, quod per *dives, locuples*, interpretantur Glossaria vetera, sive πολυβότους, quod per πολυκτήμων explicatur in scholiis ad Aeschyli Sept. 780. Sophocles vero non dubitandum quin πολύπονος scripserit. Nam αἰκία, ut in annotatione monui, epitheto magis opus habet quam οἴκου et verba πολύπονος αἰκία aptissime hoc carmen claudunt, cuius in initio πολύπονος ἵππεία ut malorum origo nominata erat.

606. χρῆς pro χρῆ restituit Wunderus. De quo verbo supra diximus ad Aiac. v. 1373.

686. τάφέσει (nam sic, non τῇ φέσει, scribere debebat) certa emendatione restituit Musgravius pro τῇ φύσει, quod scholiastae nihil mali suspicati more suo explicare studuerunt.

691. ἀθλ' ἀπερ νομίζεται Porsoni emendatio est pro πένταθλ' ἀ νομίζεται. Tacet scholiasta vetus: infimae vero aetatis grammaticus versus illos de ludis Pythicis duo adscripsit, de quibus supra dicebam p. V.

693. ὠλβίζετ', Ἀργεῖος μὲν ἀνακαλούμενος] ἀγκαλούμενος scribendum videri, (quod Sophoclis aetate ἀνκαλούμενος scribebatur) et mox v. 715. ἀμμεμιγμένοι potius quam ἀναμε-